

陳州府志卷之十九

楚鄂崔應階吉升氏纂修

忠義孝弟

士之以節義稱者豈一時慷慨奮不顧身欲表見於後世耶然士窮而節義著今觀所載殉難諸臣世際陽九身當厄會授命成仁凜然正氣直與日月爭光孝弟庸德人或弗傳一旦變起天倫或流離患難疾病死喪之餘乃始以孝弟聞君子高其行未嘗不哀其志至豪俠好義衆譽歸之蓋一念之誠存心利物於人必有所濟不待素封也志忠義孝弟

陳州府忠烈

附郭淮寧縣

〔唐〕李肅字行中陳州人以功封田王建中中天子幸奉

天閩叛將牛氏乘中原多事閉關竊據及朱泚平天

子賜肅弓矢命之日閩粵弗庭汝實征之肅率精銳

數萬至臨汀浮流卒與賊遇兵不繼肅力戰而死屍

浮水中彌月不變鄉民詹糾憫肅忠勇殮而祀之凡

有所禱輒應貞元十五年有司以問勅封孚祐廣烈

王妃陳配享今有廟在永安縣曰唐田王廟

延平志

〔宋〕向子韶字和卿開封人登元符三年進士第累官至

京東轉運副使建炎二年丁父憂起知淮寧府金人

犯界子韶率諸弟城守諭士民曰汝等墳墓之國去
此何之吾與汝當死守時有東兵四千人第三將岳
景綬欲棄城率軍民走行在子韶不從景綬引兵迎
敵而死金人晝夜攻城子韶親擐甲胄冒矢石遣其
弟子率赴宗澤乞援兵未至城陷子韶率軍民巷戰
力屈爲所執金人坐城上欲降之酌酒於前左右抑
令屈膝子韶直立不動戟手責罵金人殺之其弟新
知唐州子褒朝請郎子弟等與闔門皆遇害惟一子
鴻六歲得存事聞再贈通議大夫官其家六人後諡
忠毅初金人至淮寧府楊時聞之曰子韶必死矣蓋

陝州府志 卷之十九
知其素守云

宋史忠節傳

謝旣陳州人宣和中爲駕部員外郎知汝州欽宗時上

封事十篇論事切至使金還提點京西北路刑獄金

人犯汝州旣自襄陽領兵往援之戰死

宋史本傳

陳亨祖淮寧大豪也紹興末官軍已復蔡州亨祖遂領

民兵據淮寧執金知州完顏耶魯以其城來歸命爲

武翼大夫知淮寧府金兵攻城亨祖力戰死之舉家

五千餘人皆死贈容州觀察使立廟光州賜額憫忠

宋史本傳

按廟祀應在陳乃在光者以淮寧復陷

於金而先爲宋北境故也省志仍載汝寧郡志亦未

及收今擬改祀學宮

特識之以爲後攷云

[明]雷敬字肅公陳州人博學有智畧明初定鼎金段所
至響應陳守將左君弼拒王師太祖以書招之不報
時敬在左幕中諭以帝王有真天命有屬無自苦以
害百姓洪武元年大將軍徐達將兵取陳州敬偕守
將以城歸附事聞上以武功翊運授指揮僉事歷建
文朝累官南京總制督禁軍燕兵將金川門敬率所
部禦之不克力戰死之子六長雲世襲南京龍驤衛
指揮

孫紹武陳州衛指揮使正德庚午守信陽獲劇賊趙天
錫問學等有聲辛未流賊之變紹武奉檄守備沈邱

陳州府志 卷之十九
三
賊勢猖獗以衆寡不敵城陷戰死其從子璉都庠生也度紹武勢孤自備弓馬往助之同死於難帝嘉紹武之忠命子孫世襲都指揮僉事

姜宏陳州衛指揮同知正德辛未流賊攻陷郡邑宏奉檄守禦汝寧追賊至確山之韓莊力戰死於陣上嘉其忠命子孫世襲指揮使韓莊人立祠以祀之至今曰姜將軍廟云

丁雲字霞光陳州廩生景瑞之次子也性剛直勇力非常崇禎辛巳五月闖寇方熾雲奉睢陳道命至沈邱探賊隻身入營殺賊數十人並戮其首領賊追至白

善集苦戰自辰至夕身受矢傷百餘處罵賊而死睢
陳道成其忠烈移尸教場中率伍營等官致祭焉

關永傑字人孟鞏昌衛人世官百戶永傑好讀書每遇
忠義事輒書之壁狀貌奇偉類世人所繪壯繆侯像
崇禎四年會試入都與儕輩遊壯繆祠有道士前曰
昨夢神告吾後人當有登第者後且繼我忠義可語
之永傑愕然頗自喜已果登第授開封推官強植不
阿民畏愛之憂歸起官紹興遷兵部主事督師楊嗣
昌薦其才請用之軍前乃擢睢陳兵備僉事駐陳州
陳故賊衝歲被蹂躪永傑日夜爲敬備十五年三月

初九日闖寇李自成數十萬衆來攻永傑率官民登
陴固守炮矢所加殺流賊無數越二日賊繫告示于
城頭若開城降者免其屠戮永傑碎其示誓於衆曰
吾讀聖賢書寧死戰場不死法場天未厭子耶寇如
子何天果沒子耶天之所棄孰能違之舉頭三尺厥
有神明衆咋舌而退 金帛賞死士勳城戰殺賊千
餘賊恨攻圍愈急四晝夜永傑目睫不交百姓感憤
守益堅不意城頭炮藥失火賊乘烟登城指揮劉淳
傅鴻勳王丕顯孫延祚守備馬君愛擁永傑戰城上
擊傷甚多衆寡不敵咸被傷永傑遂爲賊所執大罵

不屈假以覓印墜城死之賊斷其首以鞭指論天方
晴忽雷聲大震賊衆驚悸棄其首於路傍陳民仍收
斂之墓南甕城後郡人李世培何潤遷柩絃歌臺西
隅順治六年公子始歸櫬於鞏昌永傑旣沒河南直
指蘇京上其事立祠陳橋贈光祿卿一時從難者臚

記於後

舊志參明
史忠義傳

侯君擢字際明成安縣舉人崇禎十四年知陳州潔已
愛民政治有聲城圍時君擢守北門身先士卒運木
石擊賊壕中尸滿城陷君擢正色危坐賊執令跪不
屈縛至李自成前罵愈甚賊衆擁出剜面砍膝始戕

其生贈右叅議

舊志叅明史忠義傳

崔泌之鹿邑人字小定

本陳州人鹿邑籍中式

進士知雄縣調清

苑多所建監舊令黃宗昌為御史劾周延儒屬

保定知府撫宗昌罪知府以屬泌之泌之曰殺人媚

人可乎知府愧且怒會泌之遷戶部主事知府謂其

侵隱錢糧三萬不聽行御史行部至泌之直前與知

府角御史以聞下獄遣戍久之釋還至是遭變用鉄

杖斃賊數人自到死之復故官

明史忠義傳

守備張鷹揚被擒不屈舉人王受爵亦擊殺數賊大罵

並死之贈受爵宛平知縣

明史忠義傳

劉淳陳州世襲掌印指揮體貌魁梧胆氣雄豪用兵有
方崇禎八年率衆殺流賊九年以至十三手屢勦土
寇丘二毛等搗其巢穴又衝殺袁時中等賊幾無噍
類上臺嘉其有功特加文武旌旄兼管軍民十五年
闖賊攻陳戰死

胡守祚世襲指揮先世三抱忠洪武時有功封於陳予
世以忠卒太祖世其忠勇文文勤石命知州鄭子以
十三傳至守祚智勇過人有祖風闖之攻陳祚守西
門有十將執旗號馳馬近城祚挽弓射之中賊人賊
仰視見又搭箭三馬疾退城陷弓着意索射已人守

祚方巷戰良久被執賊以好言撫之曰雖射我吾不
汝忌若肯從我立功願同享富貴招降甚切祚不稍
屈厲聲叱賊罵不絕口乃見殺

傅鴻勳陳衛指揮崇禎十二年流賊抵西華勳奉檄退
之督撫旌獎闖賊圍陳勳背城戰衆寡不敵死之

守備陳尙嗣字秀峯胞弟都司尙家字柱峯世襲陳州
衛指揮子戶祖朴甲戌進士備兵湖廣以平永賊功
陞光祿少卿父王之丁酉士之尙以兄弟生而功之
之畧人人父逆攻之分守西門以不敢近無何以之
局災之人大起以分如夜不乘隙生城尙三不以巷

戰連刺數十人賊來愈衆見勢不支自刎而死尙嗣
率衆截殺左右衝突力竭被執賊愛其勇欲降而生
之尙嗣曰從吾至家降汝未晚賊縱之歸至則端坐
中堂大罵曰我祖父累代忠義爲國世臣恨不能盡
滅醜類以報朝廷先所以不卽死欲正命以遂其志
耳此吾死所也仍罵不絕口遂伸頸飲刃而卒尙嗣
妻宋氏姪婦魏氏皆同日死

徐秉銓陳衛世職秉銓天啟初襲指揮使屢奉檄勦擒
土寇崇禎十五年三月賊攻陳城破力賊死

楊廷恩世襲百戶素行慷慨有古俠士風崇禎壬午逆

賊破陳延恩被執罵曰吾乃朝廷世爵之逆賊焉敢辱吾賊刃之罵聲不絕賊斷其舌猶以手畫地而罵至死不屈

丁漢英陳衛中所百戶始祖燦江南和州人佐太祖戰鄱陽有功分衛來陳子孫世襲英於崇禎五年襲職圍寇圍城守西門東南隅城陷賊蜂入英步戰被執脅降不屈罵不絕口遂遇害妻陳聞之卽與幼女自縊

何落昇未知何之人賊破之人皆倉皇逃竄驚相告曰笑不去昇曰吾豈苟且貪生者獨正襟危坐賊屈之

跪不應復令掘窖覓糧罵不絕口賊怒爭擊殺之

于鶴齡光祿署丞父之大進士歿歷二千石多善政鶴
齡克紹先業事繼母以孝聞喜賓客重然諾崇禎庚
辰歲大荒疫斗粟千錢餓殍枕籍施豆穀數千石戚
族貧分資贍養見道傍遺孤收育之代贖負差以子
女者闖寇圍陳監司郡牧率衆堅守鶴齡捐金濟軍
需能傷一賊給花幣城陷賊入猶率三子喬春喬芳
喬禕家丁胡強等奮臂大呼巷戰久之力竭俱死僅
存幼子喬蕙負屍而葬父子主僕間凜凜猶有生氣
後喬蕙入鄆庠

吳二陽別號爾庖世居陳州垂髫善屬文以孝友稱弱冠入黌序食餼九科不第由明經授邢臺司訓寇氛猖熾列守城二十四策當事納之寇至邢果無虞童叟德再造焉兩之交薦遷山東青城知縣未幾以病歸寇薄城兵憲州牧知其有文武才畧詣門敦請奮袂當一面率衆捍禦三晝夜矢石交下傷渠魁城潰髮指眦裂罵不絕口死之

武舉季銓衛人秉性豪俠貌魁偉熟弓馬膂力過人闖寇圍陳率民夫東城禦寇城破賊持刃脅之